



XUNTA DE GALICIA

VICEPRESIDENCIA E CONSELLERÍA DE PRESIDENCIA,
ADMINISTRACIÓNS PÚBLICAS E XUSTIZA
Secretaría Xeral Técnica



MEMORIA XUSTIFICATIVA

PROXECTO DE MODIFICACIÓN DA RELACIÓN DE POSTOS DE TRABALLO
VICEPRESIDENCIA E CONSELLERÍA DE PRESIDENCIA,
ADMINISTRACIÓNS PÚBLICAS E XUSTIZA





ÍNDICE

INTRODUCCIÓN	5
CREACIÓNS	6
SECRETARÍA XERAL TÉCNICA	6
DIRECCIÓN XERAL DE RELACIÓNS EXTERIORES E COA UNIÓN EUROPEA	7
AMORTIZACIÓNS	8
SECRETARÍA XERAL TÉCNICA	8
SERVIZOS PERIFÉRICOS	8
PROVISIÓN DE POSTOS POLO SISTEMA DE LIBRE DESIGNACIÓN	9
COMPLEMENTO ESPECÍFICO	9
DIRECCIÓN XERAL DE EMERXENCIAS E INTERIOR	9
SERVIZOS PERIFÉRICOS	9
SUBGRUPOS E CAMBIOS DE DENOMINACIÓN	9
SECRETARÍA XERAL TÉCNICA	9
SERVIZOS PERIFÉRICOS	10
ADSCRICIÓN A ADMINISTRACIÓNS PÚBLICAS	11
SECRETARÍA XERAL TÉCNICA	11
DIRECCIÓN XERAL DE ADMINISTRACIÓN LOCAL	11
DIRECCIÓN XERAL DE RELACIÓNS EXTERIORES E COA UNIÓN EUROPEA	11
DIRECCIÓN XERAL DE EMERXENCIAS E INTERIOR	11
FORMACIÓN ESPECÍFICA	12
CAMBIOS NO APARTADO DE OBSERVACIÓNS	13
COMPLEMENTO ESPECÍFICO DIFERENCIAL DE REXISTRO	14
SERVIZOS PERIFÉRICOS	14



MEMORIA XUSTIFICATIVA DO PROXECTO DE MODIFICACIÓN DA RELACIÓN DE POSTOS DE TRABALLO DA VICEPRESIDENCIA E DA CONSELLERÍA DE PRESIDENCIA, ADMINISTRACIÓNS PÚBLICAS E XUSTIZA

INTRODUCIÓN

A vixente estrutura orgánica da Xunta de Galicia foi establecida polo Decreto 227/2012, do 2 de decembro. Así mesmo, en consecuencia do nomeamento do vicepresidente da Xunta de Galicia, o Decreto 233/2012, do 5 de decembro, determinou a organización, funcións e competencias da Vicepresidencia da Xunta de Galicia, a prol de acadar unha maior axilidade e eficacia na xestión administrativa, atendendo aos criterios de eficacia, economía e austeridade que deben inspirar a actuación e a organización administrativa.

Por outra banda, o Decreto 235/2012, do 5 de decembro, fixa a estrutura orgánica da Vicepresidencia e das consellerías da Xunta de Galicia. Este decreto incorpora determinadas previsións relativas a modificacións da estrutura orgánica de centros directivos, derivadas da creación da Vicepresidencia da Xunta de Galicia, destacando a adscrición a esta da Asesoría Xurídica Xeral e da Secretaría Xeral de Igualdade, ata ese momento dependentes da Presidencia da Xunta.

No artigo 1, do Decreto 235/2012, dispónse a estrutura da Vicepresidencia e Consellería de Presidencia, Administracións Públicas e Xustiza, nos seguintes órganos superiores e de dirección:

1. Vicepresidencia:
 - 1.1. Secretaría Xeral da Igualdade.
 - 1.2. Asesoría Xurídica Xeral, con nivel orgánico de dirección xeral.
2. Consellería de Presidencia, Administracións Públicas e Xustiza:
 1. Secretaría Xeral Técnica.
 2. Dirección Xeral de Xustiza.
 3. Dirección Xeral de Administración Local.
 4. Dirección Xeral de Relacións Institucionais e Parlamentarias.
 5. Dirección Xeral de Emerxencias e Interior.
 6. Dirección Xeral de Relacións Exteriores e coa Unión Europea.
 7. Dirección Xeral de Avaliación e Reforma Administrativa.

Quedan adscritas organicamente á consellería as delegacións territoriais da Xunta de Galicia na Coruña, Lugo, Ourense, Pontevedra e Vigo. As delegacións territoriais, configuradas como órganos de dirección, terán nivel orgánico de dirección xeral.





Así mesmo, quedan adscritas a esta consellería as delegacións da Xunta de Galicia no exterior.

Igualmente, quedan adscritos a esta consellería:

1. O organismo autónomo Escola Galega de Administración Pública.
2. O organismo autónomo Academia Galega de Seguridade Pública.
3. A Axencia Galega de Emerxencias.

De igual modo, o Decreto 72/2013, do 25 de abril (DOG, núm. 91, do 14 de maio), establece a estrutura orgánica da Vicepresidencia e da Consellería de Presidencia, Administracións Públicas e Xustiza. Esta nova estrutura xorde como consecuencia da necesidade de optimizar recursos públicos e de continuar co proceso de racionalización, simplificación e redución das estruturas administrativas mantendo o máximo nivel de calidade na prestación dos servizos públicos e sen que a nova ordenación supoña incremento de gasto. Especial mención merece a creación da Vicepresidencia, motivando unha reestruturación de competencias horizontais encamiñadas a apoiar o desenvolvemento dos seus labores.

A relación de postos de traballo (RPT) é o instrumento técnico ao través do que se realiza a ordenación do persoal, de acordo coas necesidades dos servizos, precisando os requisitos para o desempeño de cada posto e comprendendo a denominación, características esenciais deles, requisitos esixidos para o seu desempeño e determinación das retribucións complementarias.

A Lei 7/2007, do 12 de abril, do Estatuto Básico do Empregado Público, establece no seu Artigo 74 "Ordenación dos postos de traballo" que *"as Administracións Públicas estruturarán a súa organización ao través de relacións de postos de traballo ou doutros instrumentos organizativos similares que comprenderán, alomenos, a denominación dos postos, os grupos de clasificación profesional, os corpos ou escalas, e no seu caso, a que estean adscritos, os sistemas de provisión e as retribucións complementarias. Os ditos instrumentos serán públicos."*

A vixente relación de postos de traballo da Vicepresidencia e da Consellería de Presidencia, Administracións Públicas e Xustiza, foi aprobada polo Acordo do Consello da Xunta de Galicia do 23 de xaneiro de 2014, e publicada por Resolución da Consellería de Facenda, do 23 de xaneiro de 2014 (DOG, núm. 16 do 24/01/2014).

Advertidas determinadas necesidades puntuais, logo da publicación da vixente RPT, propóñense as seguintes modificacións:

CREACIÓNS

SECRETARÍA XERAL TÉCNICA

CENTRO DIRECTIVO S. X. DE COORDINACIÓN DE SERVIZOS TRANSVERSAIS (PONTEVEDRA)

— Posto PR.C02.00.005.36001.426, OFICIAL 1ª CONDUTOR/A, grupo III, categoría 63.





Na tramitación da última modificación da RPT amortizouse por erro este posto, polo que se propón corrixir a situación restituíndoo na RPT con efectos da data de publicación desta, 24/01/2014.

DIRECCIÓN XERAL DE RELACIÓNS EXTERIORES E COA UNIÓN EUROPEA

CENTRO DIRECTIVO D. X. DE RELACIÓNS EXTERIORES E COA UNIÓN EUROPEA

- Proponse a creación do posto PR.C07.00.000.15770.050 SECRETARIO/A DELEGACIÓN XUNTA EN MONTEVIDEO, co rango de xefatura de servizo, de nivel 28A, co complemento específico propio do seu nivel, singularizado, co sistema de provisión por libre designación, aberto aos subgrupos A1-A2, do corpo/escala xeral/especial, de adscrición indistinta a persoal funcionario da Xunta de Galicia, Estado, Comunidades Autónomas e Administración Local (código A12), coa formación específica de coñecementos informática nivel usuario (mérito), código 020, experiencia xestión económica/persoal (mérito), código 074, licenciado/a en dereito (mérito), código 501 e para persoal doutra administración, curso de perfeccionamento de galego (R.I.), código 640.

A Delegación da Xunta de Galicia en Montevideo foi creada polo Decreto 257/2008, do 23 de outubro. Correspondéndolle á secretaría da delegación, baixo a autoridade e supervisión do delegado/a o exercicio das funcións *relativas ao réxime interior, de tramitación administrativa, de xestión do persoal, a supervisión do emprego dos medios materiais adscritos á delegación, de ser o caso, a coordinación das áreas funcionais e desenvolvemento daquelas actuacións que queden fóra delas, a información ao público, a elaboración do borrador de orzamentos da delegación, a administración, control contable e xustificación dos créditos que se lle asignen á delegación, así como ser contadante das contas xustificativas dos libramentos de fondos para xustificar, prestarlle asesoramento e asistencia técnica e administrativa ao delegado ou delegada e a súa substitución nos casos de vacante, ausencia ou enfermidade e a xestión da oficina de rexistro da Xunta de Galicia na delegación.*

Na vixente relación de postos de traballo da Vicepresidencia e Consellería de Presidencia, Administracións Públicas e Xustiza, dentro da Dirección Xeral de Relacións Exteriores e coa Unión Europea non existe o posto de secretario da delegación, polo que tendo en conta as funcións que lle corresponden e as necesidades da delegación faise imprescindible a creación do posto de *Secretario/a da Delegación da Xunta en Montevideo* co obxecto de que asuma todas as funcións e responsabilidades necesarias para o correcto funcionamento da delegación.

O Decreto 72/2013, do 25 de abril, no punto 2, do Artigo 1, referido ao ámbito competencial, establece que a Consellería de Presidencia, Administracións Públicas e Xustiza, é o departamento da Xunta de Galicia ao cal lle corresponde a elaboración, proposta e execución, entroutras, da política do Goberno galego en materia de administración local.

Tendo en conta, que a organización da diáspora galega en centros, asociacións, sociedades e outros tipos de colectividade, adoita a realizarse ao redor dunha orixe ou vínculo común de proximidade dos seus membros a unha determinada zona, principalmente a nivel de concello. Esta circunstancia de vecindade que actúa a xeito





de nexos de unión para que se produza o agrupamento propicia un vencello estreito entre os diferentes centros e os concellos de orixe que habitualmente actúan de intermediarios entre os galegos no exterior e as outras administracións públicas. Este vínculo coa administración local esixe da persoa que exerza o posto de secretario/a da delegación teña un grao de coñecemento adecuado da administración local en base ás relacións antes aludidas, circunstancia que xustifica a apertura do posto a persoal funcionario/a da Administración Local.

Atribúeselle o sistema de provisión por libre designación consonte ao artigo 30 do Decreto legislativo 1/2008, do 13 de marzo, polo que se aproba o texto refundido da Lei da función pública de Galicia, na redacción dada polo artigo 21 da Lei 15/2010, do 28 de decembro, no que se establece que *“Proveranse polo sistema de libre designación, con convocatoria pública entre persoal funcionario de carreira, os postos de traballo de carácter directivo ou de especial responsabilidade e aqueles que requiran unha confianza persoal para exercer as súas funcións. En todo caso, mediante este procedemento, proveranse as subdireccións xerais ou equivalentes, xefaturas de servizo ou equivalentes, as secretarías de altos cargos, así como, excepcionalmente, outros de nivel inferior que, como tales, se determinen nas relacións de postos de traballo, segundo os criterios que se establezan, neste último caso, logo da negociación coas organizacións sindicais...”*

AMORTIZACIÓNS

As amortizacións que se propoñen teñen por obxecto financiar as creacións de novos postos na proposta de modificación, trátase en todo caso de postos vacantes e non ocupados.

SECRETARÍA XERAL TÉCNICA

CENTRO DIRECTIVO S. X. DE COORDINACIÓN DE SERVIZOS TRANSVERSAIS

- Posto PR.C02.00.005.15770.519, CONDUTOR/A, grupo IV, categoría 016. Posto vacante e non ocupado.

SERVIZOS PERIFÉRICOS

CENTRO DIRECTIVO XEFATURA TERRITORIAL DA CORUÑA

- Posto PR.C99.10.000.15001.311, TELEFONISTA, grupo V, categoría 003. Posto vacante e non ocupado.

CENTRO DIRECTIVO EDIFICIOS XUDICIAIS (A CORUÑA)

- Posto PR.C99.10.001.15001.149, LIMPADOR/A, grupo V, categoría 011. Posto vacante e non ocupado.





PROVISIÓN DE POSTOS POLO SISTEMA DE LIBRE DESIGNACIÓN

Proponse o sistema de provisión polo sistema de libre designación ao posto de nova creación de Secretario/a Delegación Xunta en Montevideo, con rango de xefatura de servizo, de nivel 28.

Atribúeselle este sistema de provisión consonte ao artigo 30, do Decreto legislativo 1/2008, do 13 de marzo, polo que se aproba o texto refundido da Lei da función pública de Galicia, na redacción dada polo artigo 21 da Lei 15/2010, do 28 de decembro, no que se establece que *“Proveranse polo sistema de libre designación, con convocatoria pública entre persoal funcionario de carreira, os postos de traballo de carácter directivo ou de especial responsabilidade e aqueles que requiran unha confianza persoal para exercer as súas funcións. En todo caso, mediante este procedemento, proveranse as subdireccións xerais ou equivalentes, xefaturas de servizo ou equivalentes, as secretarías de altos cargos, así como, excepcionalmente, outros de nivel inferior que, como tales, se determinen nas relacións de postos de traballo, segundo os criterios que se establezan, neste último caso, logo da negociación coas organizacións sindicais...”*

COMPLEMENTO ESPECÍFICO

DIRECCIÓN XERAL DE EMERXENCIAS E INTERIOR

CENTRO DIRECTIVO S.X. DE XOGO E ESPECTÁCULOS PÚBLICOS

- Posto PR.C06.00.003.15770.001, SUBDIRECTOR/A XERAL XOGO E ESPECTÁCULOS PÚBLICOS, de nivel 30.

Proponse a corrección do complemento específico, de 18.025,00 euros, que figura na vixente RPT, xa que de acordo coa Lei 11/2013, do 26 de decembro, de orzamentos xerais da Comunidade Autónoma de Galicia para o ano 2014, o complemento específico que lle corresponde é de 18.025,32 euros.

SERVIZOS PERIFÉRICOS

CENTRO DIRECTIVO XEFATURA TERRITORIAL DA CORUÑA

- Posto PR.C99.10.000.15001.041, XEFATURA DE NEGOCIADO ADMINISTRATIVO I, de nivel 18.

Proponse a corrección do complemento específico, de 5.526,00 euros, que figura na vixente RPT, xa que de acordo coa Lei 11/2013, do 26 de decembro, de orzamentos xerais da Comunidade Autónoma de Galicia para o ano 2014, o complemento específico que lle corresponde é de 5.526,48 euros.

SUBGRUPOS E CAMBIOS DE DENOMINACIÓN

SECRETARÍA XERAL TÉCNICA

CENTRO DIRECTIVO S.X. DE COORDINACIÓN DE SERVIZOS TRANSVERSAIS





- Postos PR.C02.00.005.15770.071, XEFATURA SECCIÓN I, e PR.C02.00.005.15770.072, XEFATURA SECCIÓN II. Na vixente RPT están abertos a persoal dos subgrupos A1-A2-C1, propónse que estean abertos a persoal dos subgrupos A1 e A2.

Esta modificación xustifícase na Sentenza 49/2014, recaída no recurso contencioso-administrativo que, co número 611/11, contra a Resolución do 11/04/2011, da Consellería de Facenda; sobre relación de postos de traballo da Consellería de Presidencia, no seu fallo establece *que debemos estimar e estimamos o recurso contencioso-administrativo interposto por dona Carmen Gómez Couso e don Jorge Raniero Domínguez Fojo contra o Acordo do Consello da Xunta de Galicia de data 10 de marzo de 2011 polo que se aproba a Relación de Postos de Traballo da Consellería de Presidencia, Administracións Públicas e Xustiza, que se anula no particular impugnado e, polo tanto, declaramos non ser conforme a dereito a apertura dos postos de traballo de Xefatura de Sección I e Xefatura de Sección II aos funcionarios do grupo C1; sen facer imposición de custas.*

SERVIZOS PERIFÉRICOS

CENTRO DIRECTIVO XEFATURA TERRITORIAL PONTEVEDRA

- Posto PR.C99.10.000.36001.053, XEFATURA DE GRUPO DE REXISTRO E INFORMACIÓN propónse cambiar a súa denominación por XEFATURA DE GRUPO DE REXISTRO E INFORMACIÓN I, para individualizalo respecto aos postos con igual denominación no centro directivo.
- Posto PR.C99.10.000.36001.054, POSTO BASE SUBGRUPO C1 DE REXISTRO E INFORMACIÓN propónse cambiar a súa denominación por XEFATURA GRUPO DE REXISTRO E INFORMACIÓN II e abrílo aos subgrupos C1-C2.
- Posto PR.C99.10.000.36001.055, POSTO BASE SUBGRUPO C1 DE REXISTRO E INFORMACIÓN propónse cambiar a súa denominación por XEFATURA GRUPO DE REXISTRO E INFORMACIÓN III e abrílo aos subgrupos C1-C2.
- Posto PR.C99.10.000.36001.056, POSTO BASE SUBGRUPO C1 DE REXISTRO E INFORMACIÓN propónse cambiar a súa denominación por XEFATURA GRUPO DE REXISTRO E INFORMACIÓN IV e abrílo aos subgrupos C1-C2.
- Posto PR.C99.10.000.36001.057, POSTO BASE SUBGRUPO C1 DE REXISTRO E INFORMACIÓN propónse cambiar a súa denominación por XEFATURA GRUPO DE REXISTRO E INFORMACIÓN V e abrílo aos subgrupos C1-C2.
- Posto PR.C99.10.000.36001.058, XEFATURA DE GRUPO DE REXISTRO E INFORMACIÓN propónse cambiar a súa denominación por XEFATURA DE GRUPO REXISTRO E INFORMACIÓN VI, para individualizalo respecto aos postos con igual denominación no centro directivo.

Xustifícanse os cambios para facilitar a súa cobertura cando sexan vacantes ou non estean ocupados e así mesmo, para individualizalos respecto aos outros postos de igual denominación no centro directivo.





ADSCRICIÓN A ADMINISTRACIÓNS PÚBLICAS

SECRETARÍA XERAL TÉCNICA

CENTRO DIRECTIVO VICESECRETARÍA XERAL

- Posto PR.C02.00.002.15770.001 VICESECRETARIO/A XERAL, propónse que a adscrición a administracións públicas sexa indistinta a funcionarios da Xunta de Galicia, Estado e Comunidades Autónomas e Administración Local (código A12).

Xustifícase esta proposta en base ás funcións que lle corresponde exercer ao vicesecretario/a xeral de acordo co Decreto 72/2013, do 25 de abril, en particular no que atinxe á suplencia da persoa titular da Secretaría Xeral Técnica nos casos de ausencia, enfermidade ou vacante, na dirección e coordinación, de conformidade coas instrucións da Secretaría Xeral Técnica, das actividades do resto dos órganos que a integran, así como a sinatura dos asuntos de trámite de competencia do/a secretario/a xeral técnico/a, na elaboración de estudos e propostas de actuación sobre aspectos relativos á estruturación, planificación, organización, métodos de traballo e de mellora da xestión e no apoio técnico nas funcións encomendadas á Secretaría Xeral Técnica e aos distintos centros directivos e da Consellería de Presidencia, Administracións Públicas e Xustiza.

DIRECCIÓN XERAL DE ADMINISTRACIÓN LOCAL

CENTRO DIRECTIVO S. X. DE XESTIÓN E COOPERACIÓN ECONÓMICA COAS ENTIDADES LOCAIS

- Posto PR.C04.00.001.15770.020 XEFATURA DE SERVIZO DE XESTIÓN E COOPERACIÓN ECONÓMICA, Propónse modificar a actual adscrición a administracións públicas, código A12, de adscrición indistinta a funcionarios da Xunta de Galicia, Estado e Comunidades Autónomas e Administración Local, pasando a ser de adscrición exclusiva a funcionarios da Xunta de Galicia (código AXG).

DIRECCIÓN XERAL DE RELACIÓNS EXTERIORES E COA UNIÓN EUROPEA

CENTRO DIRECTIVO D. X. DE RELACIÓNS EXTERIORES E COA UNIÓN EUROPEA

- Posto PR.C07.00.000.15770.040 SECRETARIO/A DELEGACIÓN XUNTA EN BOS AIRES, propónse na adscrición a administracións públicas que sexa indistinta a funcionarios da Xunta de Galicia, Estado e Comunidades Autónomas e Administración Local (código A12).

A Delegación da Xunta de Galicia en Bos Aires, na República Arxentina, foi creada polo Decreto 157/2007, do 26 de xullo. Por analoxía coa xustificación esgrimida para a creación do posto de secretario/a da Delegación da Xunta en Montevideo propónse esta modificación na adscrición as administracións públicas.

DIRECCIÓN XERAL DE EMERXENCIAS E INTERIOR

CENTRO DIRECTIVO S. X. DE SEGURIDADE E COORDINACIÓN





- Posto PR.C06.00.002.15770.021 XEFATURA SECCIÓN COORDINACIÓN POLICÍAS LOCAIS. Proponse modificar a actual adscrición a administracións públicas, código A12, de adscrición indistinta a funcionarios da Xunta de Galicia, Estado e Comunidades Autónomas e Administración Local, pasando a ser de adscrición exclusiva a funcionarios da Xunta de Galicia (código AXG)
- Posto PR.C06.00.002.15770.022 XEFATURA SECCIÓN RELACIÓNS COAS ENTIDADES LOCAIS. Proponse modificar a actual adscrición a administracións públicas, código A12, de adscrición indistinta a funcionarios da Xunta de Galicia, Estado e Comunidades Autónomas e Administración Local, pasando a ser de adscrición exclusiva a funcionarios da Xunta de Galicia (código AXG). Así mesmo, consecuentemente coa adscrición AXG, proponse eliminar no apartado de formación específica o código 640, para persoal doutra administración, curso de perfeccionamento de lingua galega (R.I.).

FORMACIÓN ESPECÍFICA

Aqueles postos aos que na vixente RPT se lles engadiu no apartado de formación específica experiencia/coñecemento (códigos 335-336-337-338-339), proponse desdobrar os ditos méritos, por unha banda en experiencia e por outra en coñecemento.

Código 335, experiencia/coñecementos en materia de contratación (mérito), desdóbrase nos códigos 005, experiencia en contratación, e 335 coñecementos en contratación (mérito).

Código 336, experiencia/coñecemento en materia de xestión orzamentaria (mérito), polo código 007, experiencia xestión orzamentaria (mérito), e polo código 916, coñecementos xestión orzamentaria (mérito).

Código 337, experiencia/coñecemento en materia de xestión económica (mérito) desdóbrase nos códigos 009, experiencia xestión económica (mérito), e 337 coñecemento xestión económica (mérito).

Código 338, experiencia/coñecementos en materia de tramitación de nóminas e xestión da seguridade social (mérito), polo código 338, experiencia en tramitación de nóminas e xestión da seguridade social (mérito) e polo código 340 coñecementos en tramitación de nóminas e xestión da seguridade social (mérito).

Código 339, experiencia/coñecementos en materia de persoal (mérito), polos códigos 069, experiencia en xestión de persoal (mérito) e código 339 coñecementos en xestión de persoal (mérito).

Os postos e aqueles códigos afectados son os seguintes:

CENTRO DESTINO: S.X. DE RÉXIME XURÍDICO, ADMINISTRATIVO E DE RECURSOS HUMANOS

- Posto PR.C02.00.003.15770.052, XEFATURA SECCIÓN DE HABILITACIÓN DE PERSOAL. Proponse desdobrar na formación específica o código 338, nos códigos 338 e 340.





- Posto PR.C02.00.003.15770.055, XEFATURA SECCIÓN DE PERSOAL I. Proponse desdobrar na formación específica o código 339, nos códigos 069 e 339.
- Posto PR.C02.00.003.15770.056, XEFATURA SECCIÓN DE PERSOAL II. Proponse desdobrar na formación específica o código 339, nos códigos 069 e 339

CENTRO DESTINO: S.X. XESTIÓN ECONÓMICO – ADMINISTRATIVA

- Posto PR.C02.00.004.15770.012, XEFATURA SECCIÓN XESTIÓN ECONÓMICA I. Proponse desdobrar o código 336, nos códigos 007 e 916, e o código 337, polos códigos 009 e 337.
- Posto PR.C02.00.004.15770.013, XEFATURA SECCIÓN XESTIÓN ECONÓMICA II. Proponse desdobrar o código 336, nos códigos 007 e 916, e o código 337, nos códigos 009 e 337.
- Posto PR.C02.00.004.15770.042, XEFATURA SECCIÓN CONTRATACIÓN I. Proponse desdobrar na formación específica o código 335, nos códigos 005 e 335, e o código 337, nos códigos 009 e 337.
- Posto PR.C02.00.004.15770.043, XEFATURA SECCIÓN CONTRATACIÓN II. Proponse desdobrar na formación específica o código 335, nos códigos 005 e 335, e o código 337, nos códigos 009 e 337.
- Posto PR.C02.00.004.15770.044, XEFATURA SECCIÓN CONTRATACIÓN III. Proponse desdobrar na formación específica o código 335, nos códigos 005 e 335, e o código 337, nos códigos 009 e 337.
- Posto PR.C02.00.004.15770.046, XEFATURA NEGOCIADO DE CONTRATACIÓN I. Proponse desdobrar o código 335, nos códigos 005 e 335.

CENTRO DESTINO: D.X. DE RELACIÓNS EXTERIORES E COA UNIÓN EUROPEA

- Posto PR.C07.00.000.15770.025, XEFATURA SECCIÓN DE XESTIÓN, Proponse desdobrar o código 336, nos códigos 007 e 916, e o código 337, nos códigos 009 e 337.

CENTRO DESTINO: XEFATURA TERRITORIAL DE OURENSE

- Posto PR.C99.10.000.32001.007, XEFATURA SECCIÓN, proponse desdobrar o código 339, nos códigos 069 e 339.

CAMBIOS NO APARTADO DE OBSERVACIÓNS

CENTRO DIRECTIVO S. X. DE COORDINACIÓN E SERVIZOS TRANSVERSAIS

- Posto PR.C02.00.005.15770.501, CONDUTOR/A. Este posto foi ocupado por persoal laboral fixo, logo da toma de posesión derivada do concurso de traslados de persoal laboral da Administración da Xunta de Galicia, convocado pola Orde do 2 de maio de 2012. De acordo co anterior é preciso eliminar no apartado de observacións “ocupado por persoal laboral indefinido non fixo”.





COMPLEMENTO ESPECÍFICO DIFERENCIAL DE REXISTRO

Proponse actualizar o complemento específico diferencial do persoal que cumpre as súas funcións nos Rexistros Únicos da Consellería de Presidencia, Administracións Públicas e Xustiza (Servizos Centrais, A Coruña, Lugo, Ourense, Pontevedra, Vigo e Ferrol) destinado a compensar o horario especial de luns a sábado, conforme ao establecido no Acordo do Consello da Xunta do 30/12/2008 polo que se aproban os criterios de reparto do 10% para as anualidades 2008/2009 segundo o establecido no Acordo retributivo do 18/10/2006, para o persoal funcionario e laboral ao servizo da Administración da Xunta de Galicia.

Na liña orzamentaria 4672 (complemento específico de rexistro) do anexo de persoal dos Orzamentos da Comunidade Autónoma de Galicia para o ano 2013, da Vicepresidencia e Consellería de Presidencia, Administracións Públicas e Xustiza, incluído no subconcepto 121.01 (complemento específico), do programa 121A (DIRECCIÓN E SERVIZOS XERAIS DE ADMINISTRACIÓN XERAL), do Servizo 21 (SECRETARÍA XERAL TÉCNICA), existe unha dotación de 165.000 €, destinados a retribuír a 200 efectivos.

Consonte ao anterior, proponse actualizar o importe do complemento específico dos postos, que se relacionan, susceptibles de poder percibilo e que non o teñen reflexado.

SERVIZOS PERIFÉRICOS

CENTRO DESTINO: XEFATURA TERRITORIAL LUGO

CÓDIGO POSTO	DENOMINACIÓN	NIV.
PR.C99.10.000.27001.058	POSTO BASE C2 DE REXISTRO E INFORMACIÓN	12
PR.C99.10.000.27001.086	SUBALTERNO/A	10
PR.C99.10.000.27001.087	SUBALTERNO/A	10
PR.C99.10.000.27001.090	SUBALTERNO/A	10

CENTRO DESTINO: XEFATURA TERRITORIAL PONTEVEDRA

CÓDIGO POSTO	DENOMINACIÓN	NIV.
PR.C99.10.000.36001.056	XEFATURA GRUPO DE REXISTRO E INFORMACION IV	14
PR.C99.10.000.36001.058	XEFATURA GRUPO DE REXISTRO E INFORMACION VI	14

CENTRO DESTINO: EDIFICIO ADMINISTRATIVO (VIGO)

CÓDIGO POSTO	DENOMINACIÓN	NIV.
PR.C99.40.000.36560.028	POSTO BASE C2 DE REXISTRO E INFORMACIÓN	12

Santiago de Compostela, 25 de febreiro de 2014

A secretaria xeral técnica

Beatriz Cuiña Barja

